



Inatsisartut suleriaasianni § 37 imm. 1 malillugu Naalakkersuisunut uku apeqquteqaatigaakka.

**Naalakkersuisunut apeqquteqaatit:**

1. **”Inuit pisinnaatitaaffii pillugit ilinniagaqarneq ilinniartitsinerlu – Kalaallit Nunaanni killiffik 2021” nalunaarusiami innersuussutigineqartut ataani taakkartorneqartut pisortanit piviusunnigortinneqassappata aningaasatigut allaffissornikkullu suut kingunerissavai:**
  - a. Immikkut pisariaqartitsisunut ilinniartitsisut annertuumik ilinniagaqarnermikkut – piginnaasamikkullu pitsannorsarnissaat qularnaassallugu, tassani pingaartumik meeqqanut inuuniarnermikkut unammilligassaqartunut kingunerlutsitsinertik imaluunniit sumiginnarneqarsimanertik pissutigalugu?
  - b. Naqinnernik ilisarinnissinnaangitsunut misissuummik nunatsinnut oqaatsitsinnullu tulluussakkamik pilersitsineq atuutsitsilernerlu?
  - c. Misissuisoqassasoq, meeqqat atuarfianni immikkut atuartinneqartut klassiini atuartut qassit, meeqqat atuarfiannit naggataarutaasumik misilitsinnissamut innersuunneqarlutillu naammassinnittartut qassiunersut, tamatumalu kingorna piujuartussamik kisitsisinik tassunga tunngasunik katersisalernissaq?
  - d. Inuit pisinnaatitaaffiinut tunngasunik nunatsinnut tulluarsakkamik ilinniartut ilinniutigisinnaasaannik ilinniusiortoqarnissaa, kiisalu ilinniartitsisut attuumassutillit inuit pisinnaatitaaffiinut ilinniartitsinissamut piginnaasaannik qaffassaanissamut periarfissiinissaq, assersuutigalugit ilinniaqqiffigineqarnissaat imaluunniit ilinniarnep nanginnerani?
  - e. Misissuisoqassasoq, qanoq annertutigisumik piginnaasaqarluartunik ilinniarsimasunillu sulisunik amigaateqartoqarnersoq, aammalu atuartut immikkut pisariaqartitsisut naammattumik ikiorserneqartarnersut?
  - f. Nuna tamakkerlugu inuusuttut ilinniarfiini atugarissaarnerup misissuiffigineqartarnissaa avammut saqqummiunneqartartunik, ilaatigullu ilinniakkamik unitsitsiinnartartut peqqutaat ilisimaaralugit angusassanik toraagaqartumik iliuseqarneq atuartut atugarissaarnerisa qaffassaavigineqarnissaat angujumallugu?
2. **Illoqarfinni minnerni nunaqarfinnilu ilinniartitsisunik ilinniagaqarsimasunik amerlanernik kajumissaarinnissamut uninngaannarnissaannullu Naalakkersuisut suliniuteqarusuppat soorlu assersuutigalugu suleqatigiiliornikkut imaluunniit ilinniartitsisut paarlaaqatigiittarnerisigut nunaqarfinni atuarfiit illoqarfinnilu atuarfiit akornanni?**
  - a. Taamaassappat paaserusuppara, suut suliniutit ingerlanneqarnersut.
  - b. Taamaattoqanngippat kissaatigaara tassunga suna peqqutaanersoq paasissallugu.



3. Meeqqat elevhjemmini najugaqartut ilaqutaasalu akornanni attuumassuteqarnerisa atugarissaarnermikkut isumassorneqarnermikkullu ikorfartorneqarnissaannut Naalakkersuisut suliniutit suut aallartissallugit pilersaarutigaat?
4. Elevhjemmini sulisut perorsaariaatsimut piginnaasaasa qaffassarnissaannut Naalakkersuisut suliniutit suut aallartissallugit pilersaarutigaat?

(Inatsisartunut ilaasortaq Nivi Olsen, Demokraatit)

### **Tungavilersuut**

”Inuit pisinnaatitaaffii pillugit ilinniagaqarneq ilinniartitsinerlu – Kalaallit Nunaanni killiffik 2021” nalunaarussiaq soqutigingaarlugu atuarsimavara, taassumalu ilinniartitaanermut innersuussutitai. Nalunaarussiaq ilaatigut Inuit Pisinnaatitaaffii pillugit Siunnersuisoqatigiinnit suliarineqarsimavoq.

Nalunaarussiaq innersuussutinik arlaqartunik imaqarpoq. Soqutigaara paasissallugu, innersuussutit taakku atuutilernissaat kissaatigineraat aammalu taakku aningaasatigut allaffissornikkullu sunik kinguneqassanersut.

Apeqqutima ullut suliffiusut qulit iluanni akineqarnissaat kissaatigaara.